

tegiando con alcuni che pigliano impresa de tenere fornito il campo di vituarie.

Come da poi si ha auto aviso di Bologna, che dimani, ch'è il giorno di san Giacomo, si dovea cantar la messa del Spirito Santo, et benedire li stendardi et bandiere, et ussire poi a la campagna.

38^u *A dì 21 Lujo, Domenega.* La matina vene in Colegio el Legato dil Papa, et si alegrò di la creation del Serenissimo Principe da parte dil Pontefice, poi parlò di certe pratiche voria intrar il Papa con la Signoria nostra, se quella volesse aldirlo etc. Et queste parole usoe con li Cai di X in Colegio. Il Doxe lo ringratioe, dicendo il Papa amava Monsignor reverendissimo suo fiol e la sua persona quando l'era a Roma, *etiam* con il padre di Soa Santità è stà amico, et che 'l Papa non obstante suo fiol non sii in Roma, li manda la so' parte di l'annate etc. Poi si dolse dil fato sequito a Ravenna, tolto le nostre lettere etc. Et come havemo scritto a l'Orator nostro in corte si dogli di questo atto al Papa e ne fazi restituir le nostre lettere. Et il Legato disse *etiam* lui haver scritto in bona forma al Papa, et credeva fusse stà fato questo contra il voler di Sua Santità per quelli governa Ravenna.

Vene l'orator di Ferara pur con li Cai di X; mostrò alcune lettere dil suo Duchà con avisi de inimiei etc.

Di Hongaria, fo lettere di l'orator nostro Orto, di 28 Zugno. Et *tamen* si ha auto di primo di questo. *Item*, di 6 Lujo il sumario dirò di solo, et una lettera dil Re, di 5, drizata a la Signoria nostra.

Fo mandato per l'orator di Hongaria, qual vene in Colegio et stè con li Cai di X, e fo zercha darli la polvere e quello richiede il Re a conto di 20 milia per Seardona e Clissa etc.

Da poi disnar, hessendo andato il Doxe familiarmente a disnar a casa sua a Santa Maria Formosa, dove abita suo fiol Cardinal, col qual disnoe assieme, però Soa Serenità non vene a Consejo per il Gran caldo, et fo ordinato in Colegio far ozi, poi Consejo, Pregadi, et *etiam* li Cai di X mandono a comandar il suo Consejo.

Fu fato per scurtinio Avogador di comun sier Francesco Donado el cavalier fo avogador di comun, di una balota in scurtinio da sier Marco Dolfin fo cao dil Consejo di X, qu. sier Marco, qual *etiam* fu tolto per elezione et cazete di largo. Altre voxe fu fate. Tutte passoe excepto di Pregadi. Sier Sebastian Ber-

nardo fo governador de l'intrade per danari, li manchò do balote a passar. Sier Giacomo Corner, fu luogolenente di la Patria di Friul, di sier Zorzi el cavalier procurator, stato *etiam* di Pregadi senza danari, et ave 448 di si, 696 di no, il Bernardo 575, 578. Fo tolto *etiam* sier Lunardo Michiel, fo capitano a Zara, stato *alias* di Pregadi, qual, perchè andò frate a Santa Maria di Gratia, è ussito. Ave 385 di si.

Scurtinio di Avogador di comun.

Sier Marin Sanudo, è di la Zonta, qu.	
sier Lunardo	42.110
Sier Zuan Antonio Venier, fo ai X officii, qu. sier Giacomo el cavalier . .	51. 98
Sier Alvise di Prioli, fo savio dil Consejo, qu. sier Zuane procurator . .	61. 86
Sier Piero Boldù, è di la Zonta, qu. sier Lunardo	52.101
Sier Alvise Barbaro, fo cao dil Consejo di X, qu. sier Zacaria procurator .	42.110
Sier Marco Antonio Loredan, fo capitano a Padoa	50.104
Sier Piero da cha' da Pesaro, savio a terra ferma, qu. sier Nicolò . . .	80. 74
Sier Piero Contarini, fo avogador, qu. sier Zuan Ruzier	41.108
Sier Andrea Trivixan el cavalier, fo consier, qu. sier Tomà procurator . .	58. 92
Sier Alvise Zaniani <i>el grandò</i> , qu. sier Lunardo	31.124
Sier Piero Lando, fo savio dil Consejo, qu. sier Zuane	66. 88
Sier Nicolò Dolfin, fo cao dil Consejo di X, qu. sier Marco	82. 72
Sier Carlo Contarini, di sier Pamphilo .	58. 92
Sier Piero Zen, è di Pregadi, qu. sier Catarin el cavalier	63. 92
Sier Vettor Morexini, fo provedador sora le pompe, qu. sier Giacomo . .	30.122
Sier Zorzi Pixani dottor, el cavalier, savio dil Consejo	69. 84
† Sier Francesco Donado el cavalier, fo avogador di comun	83. 68
Sier Gabriel Venier, fo avogador di comun	48.104
Sier Gasparo Malipiero, fo cao dil Consejo di X	52. 95
Sier Gabriel Moro el cavalier, fo provedador al Sal	39.115
Sier Alvise Venier, fo al luogo di Procurator, qu. sier Moisé	43.108

(1) La carta 37* è bianca.